



# MAJLIS DAERAH TUMPAT

## JANUARI 2026



### PEMBERSIHAN SISA PUKAL DI ZON BANDAR TUMPAT DAN ZON CHABANG EMPAT

27.1.2026 (Selasa) - Kerja-kerja pembersihan sisa pukal telah dijalankan di lokasi tapak tong sampah di Zon Bandar Tumpat dan Zon Chabang Empat.

#### Peringatan

Mana-mana individu yang didapati membuang sisa pukal di kawasan awam atau di luar tong sampah yang disediakan oleh pihak Majlis akan dikenakan \*kompaun maksimum RM1,000.00\* di bawah peruntukan undang-undang kebersihan.

#### Alternatif Pembuangan Sisa Pukal

Sisa pukal boleh dibuang terus ke Tapak Pelupusan Kok Bedullah, Tumpat

Waktu operasi: 8.00 pagi – 5.00 petang (Ahad – Sabtu)

Kadar bayaran:

- 1) RM20.00 (bawah 5 tan)
- 2) RM40.00 (atas 5 tan)





# MAJLIS DAERAH TUMPAT

## FEBRUARI 2026



### BENGGKEL PENULISAN SURAT DAN MEMO RASMI JABATAN

15 Februari 2026 - MDT telah mengadakan Bengkel Penulisan Surat Dan Memo Rasmi Jabatan bertempat di Bilik Mesyuarat Utama. Bengkel ini diadakan hasil dari kolaborasi bersama Dewan Bahasa Dan Pustaka Cawangan Kelantan.

Bengkel ini disertai seramai 40 orang pegawai & kakitangan dari setiap bahagian dengan YBr. Encik Mohd Hazani bin Mahadi, Munsyi DBP telah dijemput untuk menjadi Fasilitator di bengkel ini.

Tujuan bengkel ini diadakan adalah untuk memperkasakan penulisan dokumen rasmi dengan meningkatkan kemahiran penulisan serta memastikan keseragaman format surat rasmi dan memo jabatan bagi setiap bahagian.





# MAJLIS DAERAH TUMPAT

## MAC 2026



### KEMASKINI GERAK KERJA KEBERSIHAN MDT

Situasi yang dihadapi oleh Majlis Daerah Tumpat (MDT) ini sememangnya mencabar, terutamanya apabila peningkatan sisa berlaku secara mendadak (6 kali ganda) serentak dengan kerosakan aset utama.

Berikut adalah beberapa langkah strategik dan taktikal untuk menangani krisis pengurusan sisa ini:  
Pelan Kontinjensi Logistik (Segera)

Apabila jentera kompaktor rosak, kapasiti kutipan menurun secara drastik.

Sewa Lori Terbuka/Backhoe: Sementara menunggu pembaikan jentera kompaktor, MDT telah menyewa lori 3 tan dan 5 tan terbuka juga menggunakan jentolak (backhoe) untuk pembersihan di kawasan titik panas (hotspots).

29.3.2026 (Ahad) - Pada pagi ini kami di Majlis Daerah Tumpat menyelesaikan kutipan sampah di beberapa lokasi hotspot. Berikut merupakan lokasi dan jumlah trip lori yang digunakan untuk menyelesaikan kutipan pada hari ini:

1. Tapak Bandar Baru Kutan (27 trip)
2. Kutan Hulu (6 trip)
3. Kampung Gerong (10 trip)

Terima kasih tuan puan yang bersama-sama kami di MDT dalam memastikan Tumpat sentiasa dalam keadaan bersih dan sejahtera.





# MAJLIS DAERAH TUMPAT

## APRIL 2026



### OPERASI DAN PEMANTAUAN KEPATUHAN PENUTUPAN PREMIS PERNIAGAAN PADA WAKTU SOLAT JUMAAT

3.4.2026 (Jumaat) - Operasi dan pemantauan tahap kepatuhan penutupan premis perniagaan pada waktu Solat Jumaat telah dijalankan sekitar kawasan Pentadbiran Majlis Daerah Tumpat. Operasi yang dijalankan pada waktu solat Jumaat itu melibatkan anggota penguatkuasa wanita MDT. Hasil operasi dan pemantauan yang telah dijalankan, MDT telah mengeluarkan kompaun kepada premis yang gagal mematuhi peraturan ini mengikut seksyen 109 Akta Kerajaan Tempatan 1976(Akta 171).

Pelesen dan pemilik premis adalah diingatkan supaya sentiasa mematuhi peraturan, dasar, syarat lesen serta undang-undang yang berkuat kuasa. Kegagalan berbuat demikian boleh dikenakan tindakan penguatkuasaan.

